

蘇老泉嘉祐集卷之十三

眉山蘇洵

譜例



古者諸侯世國卿大夫世家死者有廟生
者有宗以相次也是以百世而不相忘此
非獨賢士大夫尊祖而貴宗蓋其昭穆存
乎其廟迂毀之主存乎其太祖之室其族
人相與為服死喪嫁娶相告而不絕則其



勢將自至於不忘也自秦漢以來仕者不
世然其賢人君子猶能識其先人或至百
世而不絕無廟無宗而祖宗不忘宗族不
散其勢宜忘而獨存則由有譜之力也蓋
自唐衰譜牒廢絕士大夫不講而世人不
載於是乎由賤而貴者恥言其先由貧而
富者不錄其祖而譜遂大廢昔者洵嘗自
先子之 而咨考焉由今而上得五世由

五世而上得一世一世之上失其世次而
其本出於趙郡蘇氏以為蘇氏族譜它日
歐陽公見而歎曰吾嘗為之矣出而觀之
有異法焉曰是不可使獨吾二人為之將
天下奉不可無也洵於是又為大宗譜法
以及譜之變而并載歐陽氏之譜以為譜
例附以歐陽公題劉氏碑後之文以告當
世之君子蓋將有從焉者

歐陽氏譜及永叔題劉氏碑後

不具
於此

蘇氏族譜

蘇氏之譜上蘇氏之族也蘇氏出自高陽而蔓延于天下唐神龍初長史味道刺眉州卒于官一子留於眉上之有蘇氏自是始而譜不及焉者親及也親及則曷為不及譜為親作也几子得書而孫不得書何也以著代也自吾之父以至吾之高祖仕

不仕娶某氏享年幾某日卒皆書而他
不書何也詳吾之所自出也自吾之父以至
吾之高祖皆曰諱某而他則遂名之何也
尊吾之所自出也譜為蘇氏作而獨吾之
所自出得詳與尊何也譜吾作也嗚呼觀
吾之譜者孝弟之心可以油然而生矣情
見乎親上見于服上始於衰而至於總麻
而至於无服无服則親盡上則情及情

盡則喜不慶憂不吊喜不慶憂不吊則塗
人也吾之所以相視如塗人者其初兄弟
也兄弟其初一人之身也悲夫一人之身
分而至於塗人此吾譜之所以作也其意
曰分而至於塗人者勢也勢吾無如之何
也已幸其未至於塗人也使之死至於忽
忘焉可也嗚呼觀吾之譜者孝弟之心可
以油然而生矣系之以詩曰

吾父之子今為吾兄吾疾在身兄呻不寧
數世之後不知何人彼死而生不為戚欣
兄弟之親如足與手其能幾何彼不相能
彼獨何心

蘇氏諱鉞子祈無嗣

不仕娶子福子宗實子昭鳳子惟讚子垂象

黃氏享

子垂正

年若干

子垂範

七月二

十六日

卒

子惟善 子垂則

子昭慶 子惟德 子瑤

子昭文 子渭 子瑗

子沆

子浩

子漸

子洙

子宗藝 無嗣

子宗瓊 無嗣

子禮 子晫 子昭翰 子文質 子士元

子奎 子士能

子士良

子士寧

子士嘉

子士宗

子駿 子昭遇 無嗣

子昭遠 無嗣

子昭逸 無嗣

子昭建 無嗣

子暎 無嗣

子祐 子宗靄 子昭玘 子文實 子惟忠

子惟恭

子文室 無嗣

子昭現 子文采 子士祥

子宗著 子德謙 子永

子諱祐 子宗善 子昭圖 子惟益 子允元

不仕娶

子允滋

李氏享

子惟吉 無嗣

年五十

子昭越 無嗣

四七月 子宗晏 子昭

三十日 子宗昇 子德榮 子哲 子璿

卒

子瑜

子德升子子舟

子德元子汶

子諱果子諱序子澹子位

不仕娶仕至天子侑

宋氏享理評事子渙

年五十娶史氏子洵

一六月享年七

八日卒十五五

月十一

日卒

子宗晁無嗣

子德子子勲子慎言子慶昌

子復圭

子澄

族譜後錄上篇

蘇氏之先出於高陽高陽之子曰称称之

子曰老童老童生重黎及吳回重黎為帝
嚳火正曰祝融以罪誅其後為司馬氏而
其弟吳回復為火正吳回生陸終陸終生
子六人長曰樊為昆吾次曰惠連為參胡
次曰箴為彭祖次曰來言為會人次曰安
為曹姓季曰季連為芊姓六人者皆有後
其後各分為數姓昆吾始姓已氏其後為
蘇顧溫董當夏之時昆吾為諸侯伯歷商

而昆吾之後无闻至周有忿生為司寇能
平刑以教百姓周公稱之蓋書所謂司寇
蘇公者也司寇蘇公與檀伯達皆封於河
世上仕周家於其封故河南河內皆有蘇
氏六國之際秦及代厲其苗裔也至漢興
而蘇氏始徙入秦或曰高祖徙天下豪傑
以突關中而蘇氏迂焉其後曰建家於長
安杜陵武帝時為將以擊匈奴有功封平

陵侯其後世遂家於其封建生三子長曰
嘉次曰武次曰賢嘉為奉車都尉其六世
孫純為南陽太守生子曰章當順帝時為
冀州刺史又遷為并州有功於其人其子
孫遂家於趙州其後至唐武后之世有味
道者味道聖曆初為鳳閣侍郎以貶為眉
州刺史迂為益州長史未行而卒有子一
人不能歸遂家焉自是眉始有蘇氏故眉

之蘇皆宗益州長史味道趙郡之蘇皆宗
并州刺史章扶風之蘇皆宗平陵侯建河
南河內之蘇皆宗司寇忿生而凡蘇氏皆
宗昆吾樊昆吾樊宗祝融吳回蓋自昆吾
樊至司寇忿生自司寇忿生至平陵侯建
自平陵侯建至并州刺史章自并州刺史
章至益州長史味道自益州長史味道至
吾之高祖其間世次皆不可紀而洵始為

族譜以紀其族屬譜之所記上至於吾之高祖下至於吾之昆弟昆弟死而及昆弟之子曰嗚呼高祖之上不可詳矣自吾之前而吾莫之知焉已矣自吾之後而莫之知焉則從吾譜而益廣之可以至於无窮蓋高祖之子孫家授一譜而歲之其法曰凡嫡子而後得為譜為譜者皆存其高祖而遷其高祖之父世上存其先人之譜無

廢也而其不及高祖者自其得為譜者之父始而存其所宗之譜皆以吾譜冠焉其說曰此古之小宗也古者有大宗有小宗傳曰別子為祖繼別為宗繼禰者為小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也別子者公子及士之始為大夫

者也別子不得禰其父而自使其嫡子後之則為大宗故曰繼別為宗族人宗之雖百世而大宗死則為之齊衰三月其母妻亡亦然死而無子則支子以其昭穆後之此所謂百世不遷之宗也別子之庶子又不得禰別子而自使其嫡子為後則為小宗故曰繼禰者為小宗小宗五世之外則易宗其繼禰者親兄弟宗之其繼祖者從兄弟宗之其繼曾祖者再從兄弟宗之其繼高祖者三從兄弟宗之死而無子則支子亦以其昭穆後之此所謂五世則遷之宗也凡今天下之人惟天子之子與始為大夫者而後可以為大宗其餘則否獨小宗之法猶可施於天下故為族譜其法皆從小宗凡吾之宗其繼高祖者高祖之嫡子祈祈死無子天下之宗法不立族人莫

克以其子為之後是以繼高祖之宗亡而
虛存焉其繼曾祖者曾祖之嫡子宗善宗
善之嫡子昭圖昭圖之嫡子惟益惟益之
嫡子允元其繼祖者祖之嫡子諱序序之
嫡子澹澹之嫡子位其繼禰者禰之嫡子
澹澹之嫡子位曰嗚呼始可以詳之矣百
世之後凡吾高祖之子孫得其家之譜而
觀之則為小宗得吾高祖之子孫之譜而
合之而以吾譜考焉則至於死窮而不可
亂也是為譜之志云尔

族譜後錄下篇

蘇氏之先自昆吾以來其最顯者司寇忿
生三代之事其聞於今不詳周公作立政
而特稱之以教太史其後周宣衰司寇之
子孫亦曰蘇公遭讒作詩以刺暴公名曰
彼何人斯惟此二人見於詩書是以其傳

至今自蘇氏入秦而平陵侯建典屬國武始顯遷於趙而并州刺史章益州長史唯道始有聞於世遷於眉而至於今无闻夫是惟譜不立也自昆吾至書之蘇公五而有餘年自書之蘇公至詩之蘇公二百有餘年自詩之蘇公至平陵侯建典屬國武七百有餘年自平陵侯建典屬國武至并州刺史章二百有餘年自并州刺史章至

益州長史味道五百有餘年自益州長史味道至吾之高祖二百有餘年以三十年而一易世則七十有餘世也七十有餘世亦容有賢不賢焉不賢者隨世磨滅不可得而聞而賢者獨有七人七十有餘世其賢者亦容不止於七人矣而其餘不傳則譜不立之過也故洵既為族譜又從而記其所聞先人之行昔吾先子嘗有言曰吾

年少而亡吾先人先世之行吾不及有聞焉蓋嘗聞其略曰蘇氏自遷於眉而家於眉山自高祖涇則已不詳自曾祖斬而後稍可記曾祖娶黃氏以俠氣聞於鄉閭生子五人而吾祖祐最少最賢以才幹精敏見稱生於唐哀帝之天祐二年而歿於周世宗之顯德五年蓋與五代相終始歿之一年而吾太祖始受命是時王氏孟氏相

繼據蜀蜀之高才六人皆不肯出仕曰不足輔仕於蜀者皆其年少輕銳之士故蜀以再亡至吾太祖受命而吾祖不及見也吾祖娶於李氏李氏唐之由裔太宗之子曹王明之後世田瑜為遂州長江尉失官家於眉之丹稜祖母嚴毅居家肅然多才略猶有竇太后柴氏主之遺烈生子五人其才皆不同宗善宗晏宗昇循循無所毀

譽少子宗鼎輕俠難制而吾父果最好善
事父母極於孝與兄弟篤於愛與朋友篤
於信鄉閭之人無親疎皆愛敬之娶宋氏
夫人事上甚孝謹而御下甚嚴生子九人
而吾獨存善治生有餘財時蜀新破其達
官華奔其田宅以入覲吾父獨不肯取曰
吾恐累吾子終其身田不滿二頃屋敝陋
不葺也好施與曰多財而不施吾恐他人

謀我然施而使人知之人將以我為好名
是以施而尤惡使人知之族叔父玩嘗有
重獄將就逮曰入獄而死妻子以累兄請
為我詞獄之輕重輕也以肉饋我重也以
菜饋我饋我以菜吾將不食而死既而得
釋玩曰吾非無他兄弟可以寄死生者惟
子及將歿太夫人猶執吾手曰盍以是屬
子之兄弟笑曰而子賢雖非吾兄弟亦將

與之不賢雖吾兄弟亦將弃之屬之何益
善教之而已遂卒卒之歲蓋淳化五年推
其生之年則晉少帝之開運元年也此洵
常得之先子云爾先子諱序字仲先生於
開寶六年而歿於慶曆七年娶史氏夫人
生子三人長曰澹次曰渙季則洵也先子
少孤喜為善而不好讀書脫迺為詩能
道敏捷立成凡數十年得數千篇上自朝

廷郡邑之事下至鄉閭子孫畋漁治生之
意皆見於詩觀其詩雖不工然有以知其
表裏洞達豁然偉人也性簡易無威儀薄
於為己而厚於為人與人交無貴賤皆得
其歡心見士大夫曲躬盡敬人以為諂及
其見田父野老亦然然後人不以為怪外
貌雖無所不與然其中心所以輕重人者
甚嚴居鄉閭出入不乘馬曰有甚老於我

而行者吾乘馬無以見之敝衣惡食處之不恥務欲以身處衆之所惡蓋不學老子而與之合居家不治家事以家事屬諸子至族人有事就之謀者常為盡其心反覆而不厭凶年嘗鬻其田以濟饑者既豐人將償之曰吾自有以鬻之非爾故也卒不肖受力為藏退之行以求不聞於世然行之既久則鄉人亦多知之以為古之隱君子莫及也以渙登朝授大理評事史氏夫人眉之大家慈仁寬厚宋氏姑甚嚴夫人常能得其歡以和族人先公十五年而卒追封蓬萊縣太君洵聞之自唐之衰其賢人皆隱於山澤之間以避五代之亂及其後僭偽之國相繼亡滅聖人出而四海平一然其子孫猶不忍去其父祖之故以出仕於天下是以雖有美才而莫顯於世及

其教化洋溢風俗變改然後深山窮谷之中向日之子孫乃始振迅相與從官於朝然其才氣則既已不若其先人質直敦厚可以重任而无疑也而其先人之行乃獨隱晦而不聞洵竊深懼焉於是記其万一而藏之家以示子孫至和二年九月日

大宗譜法

蘇氏族譜小宗之法也凡天下之人皆得而用之而未及大宗也大宗之法冠以別子由別子而列之至於百世而至无窮皆世自為處別其父子而合其兄弟父子者无窮者也兄弟者有窮者也无窮者相與處則害於无窮其勢不得不別然而某之子某某之子某則是猶不別也是為大宗之法云爾故為大宗之法三世自三世而推之無不及也人設二子而廣之无不載

也蓋立法以為譜孝者之事也由譜而知其先以及其旁子弟以傳於後世是古君子之所重而士大夫之所當知也以孝者之事不立而古君子之所重與士大夫之所當知者隨廢是孝者之罪也於是存之蘇氏族譜之末以俟後世君子有採焉

別子

一世

別子之適子甲

庶子乙

二世

甲之適子丙

庶子丁

乙之適子戊

庶子己

三世

丙之適子庚

庶子辛

丁之適子壬

庶子癸

戊之適子子

庶子丑

己之適子寅

庶子卯

蘇氏族譜亭記

匹夫而化鄉人者吾聞其語矣國有君邑
有大夫而爭訟者訴於其門鄉有庠里有

學而學道者赴於其家鄉人有為不善於
室者父兄輒相與恐曰吾夫子無乃聞之
嗚呼彼獨何脩而得此哉意者其積之有
本末而施之有次第耶今吾族人猶有服
者不過百人而歲時蜡社不能相與盡其
歡欣愛洽稍遠者至不相往來是無以示
吾鄉黨鄰里也乃作蘇氏族譜立亭於高
祖墓塋之西南而刻石焉既而告之曰凡

在此者死必赴冠娶妻必告少而孤則老者字之貧而無歸則富者收之而不然者死人之所共誚讓也歲正月相與拜奠於墓下既奠列坐於亭其老者顧少者而歎曰是不及見吾鄉鄰風俗之美矣自吾少時見有為不義者則衆相與疾之如見怪物焉慄焉而不寧其後少衰也猶相與笑之今也則相與安之耳是起於某人也夫

某人者是鄉之望人也而大亂吾俗焉是故其誘人也速其為害也深自斯人之逐其兄之遺孤子而不卹也而骨肉之恩薄自斯人之多取其先人之貲田而欺其諸孤子也而孝弟之行缺自斯人之為其諸孤子之所訟也而禮義之節廢自斯人之以妾加其妻也而嫡庶之別混自斯人之為於聲色而父子雜處謹譁不嚴也而閨

門之政亂自斯人之瀆財無厭惟富者之
為賢也而庶恥之路塞此六行者吾往時
所謂大慙而不容者也今無知之人皆曰
某人何人也猶且為之其輿馬赫奕婢妾
靚麗足以蕩惑里巷之小人其官爵貨力
足以搖動府縣其矯詐脩飾言語足以欺
罔君子是州里之大盜也吾不敢以告鄉
人而私以戒族人焉髮髯於斯人之一節
者願無過吾門也予聞之懼而請書焉老
人曰書其事而闕其姓名使它人觀之則
不知其為誰而夫人之觀之則面熱內慙
汗出而食不下也且無彰之庶其有悔乎
予曰然乃記之